



ODA E FARMACISTËVE TË KOSOVËS

CHAMBER OF PHARMACISTS OF KOSOVA | KOMORA FARMACEUTA KOSOVA



Republika e Kosovës
Republika Kosova - Republic of Kosovo

Oda e Farmacistëve të Kosovës
Komora Farmaceuta Kosova
Chamber of Pharmacists of Kosovo

Nr.Br.No. 137 Dt 30/12/20

RREGULLORE MBI PËRCAKTIMIN E FUSHVEPRIMIT DHE KOMPETENCAT E KOMISIONIT PËR SOLIDARITET DHE NDIHMË RECIPROKE

Prishtinë, 2020



KUVENDI I ODËS SË FARMACISTËVE TË KOSOVËS në mbështetje të Nenit 19, paragrafit 1 me nën-paragrafin 1.1 dhe Nenit 34 të Ligjit Nr. 04/L-150 për Odat e Profesionistëve Shëndetësor, Nenit 47 paragrafi 6 dhe Neni 20 paragrafit 1 të Statutit të OFK-së, , në mbledhjen e datës 26/12/2020, miraton këtë:

RREGULLORE MBI PËRCAKTIMIN E FUSHVEPRIMIT DHE KOMPETENCAT E

KOMISIONIT

PËR SOLIDARITET DHE NDIHMË RECIPROKE

Dispozitat e përgjithshme

Neni 1

Me këtë Rregullore përcaktohet mënyra e punës së Komisionit për dhënien e mbështetjes financiare anëtarëve të OFK-së ku përcaktohen burimi i mjeteve, qëllimi dhe shuma, kushtet dhe procedura për dhënien e ndihmës anëtarëve të Odës së Farmacistëve të Kosovës dhe familjeve të tyre që kanë të drejtë në ndihmë financiare.

Neni 2

Për dhënien e ndihmës sipas nenit 1 të kësaj Rregullore, Oda krijon një fond të posaçëm.

Neni 3

Mjetet e Fondit sigurohen nga:

- kontributet vullnetare të anëtarëve të Odës dhe personave të tjerë juridik e fizik,
- gjobat e mbledhura nga masat disiplinore dhe taksat shtesë (dënime për mospërbajtje të afateve) të shqiptuara.
- Mjetet financiare sipas ndarjes buxhetore vjetore

Komisioni për dhënien e ndihmës financiare

Neni 4

Komisioni për dhënien e mbështetjes/ndihmës financiare, që kujdeset për mbledhjen e fondeve dhe dhënien e ndihmës financiare ka pesë (5) anëtarë.

Anëtarët e Komisionit propozohen nga Këshilli Drejtues i Odës dhe votohen nga Kuvendi i Odës me mandat katër (4) vjeçar.

Neni 5

Mbikëqyrja e mjeteve të Fondit për Solidaritet bëhet nga Komisioni për Buxhet dhe Financa dhe Këshilli Drejtues i Odës.

Mbështetja/ dhënia e ndihmës financiare

Neni 6

Secili anëtar i Odës i cili rregullisht paguan anëtarësinë ka të drejtë në mbështetje/ndihmë financiare.

Anëtari i OFK-së nuk mund të përfitojë më shumë se 1 herë në 5 vite ndihmë financiare

Neni 7

Mbështetja/ndihma financiare e njehershme i takon anëtarit të Odës në rast të:

1. humbjes së aftësisë (invaliditetit) të përcaktuar me vendim të organit kompetent, në përqindje më të madhe se 80%, për shkak të së cilës anëtari nuk mund ta kryejë në mënyrë të përhershme veprimtarinë mjekësore,
2. shfaqja e sëmundjes së rëndë për shkak të së cilës nuk arrin ti mbuloj kostot e shpenzimeve, qoftë brenda apo jashtë vendit,
3. shfaqja e sëmundjes së rëndë së bashkëshortit/bashkëshortes, për shkak të së cilës nuk arrin ti mbuloj kostot e shpenzimeve brenda dhe jashtë vendit,
4. shfaqja e sëmundjes së rëndë së fëmiut, për shkak të së cilës nuk arrin ti mbuloj kostot e shpenzimeve brenda dhe jashtë vendit,

Procedura për dhënien e mbështetjes/ndihmës financiare

Neni 8

Kuota për mbështetje financiare i përcaton Komisioni për aplikuesin në vartësi të buxhetit për solidaritet për vitin përkatës.

Këshilli Drejtues gëzon të drejtën ex officio të mbikqyrjes së vendimit.

Neni 9

Anëtari i Odës, i paraqet Komisionit një kërkesë me shkrim për dhënien e mbështetjes/ndihmës financiare.

Kërkesës i bashkëngjitet dokumentacioni përkatës me të cilin vërtetohet baza për të kërkuar ndihmë (kopje të dokumenteve mjekësore me rekomandimet përkatëse, dhe dokumente tjera relevante).

Kërkesa për dhënien e ndihmës financiare dorëzohet në afat jo më larg se 6 muaj pas plotësimit të kushteve të përmendura në dispozitat e lartpërmendura të Rregullores.

Ndihma financiare paguhet në mënyrë të njehershme.

Në rast se kërkesa është jo e plotë, Komisioni do të kërkojë nga parashtruesi që të plotësojë të njëjtën brenda 15 ditëve nga marrja e njoftimit.

Nëse parashtruesi nuk e dorëzon dokumentacionin e kërkuar brenda afatit të përcaktuar, Komisioni do ta refuzojë kërkesën me vendim.

Neni 10

Komisioni vendos për kërkesat e paraqitura në mbledhjet e mbajtura sipas kësaj Rregullore.

Neni 11

Komisioni mund të parasheh edhe lehtësira financiare për anëtarë e OFK-së si :

- Lirimi nga pagesa e taksave administrative të shërbimeve të OFK-së për shkaqe të arsyeshme të cilat dëshmojnë me dokumentacion përkatës të institucioneve përgjegjëse (gjendja e vështirë ekonomike familjare – dokumentet nga MPMS - QPS, dhe arsye tjera) të kërkuar nga Komisioni

Neni 12

Komisioni merr vendim për kërkesën e paraqitur nga parashtruesi, anëtari i Odës.

Kundër vendimit të Komisionit, parashtruesi mund të paraqet ankesë në Këshillin Drejtues të Odës.

Ankesa parashtrohet brenda 15 ditëve pas pranimit të vendimit të Komisionit., Këshilli Drejtues i Odës është i detyruar të kthejë përgjigje jo më vonë se 30 ditë nga data e pranimit të ankesës.

Vendimi i Këshillit Drejtues të Odës është i formës së prerë, dhe nuk mund të atakohet tutje me procedurën e ankimit.

Neni 13

Komisioni është i detyruar të dorëzojë një raport mbi punën e tij në Këshillin Drejtues dhe Komisionit për Buxhet dhe financa, dy (2) herë në vit apo çdo gjashtë (6) muaj.

Dispozitat kalimtare dhe përfundimtare

Neni 14

Kërkesat e parashtruar të cilat janë në procedurë shqyrtimi para hyrjes në fuqi të kësaj rregullore do të shqyrtohen në përputhje me dispozitat e kësaj rregullore

Neni 15

Për zbatimin e kësaj Rregulloreje kujdeset Kryesuesi i Komisionit.

Neni 16

Ndyshimet dhe plotësimet e kësaj Rregulloreje bëhen sipas të njejtës procedurë së miratimit.

Neni 17

Hartimi i formularëve bëhet nga Komisioni me Aprovimin e Këshillit Drejtues sipa rregullave të përcaktuar me këtë rregullore.

Neni 18

Cështjet tjera të cilat nuk janë të parapara në rregullore përcaktohen me propozim të Komisionit të miratuar nga Këshilli Drejtues

Neni 19.

Me hyrjen në fuqi të kësaj rregullore, shfuqizohen dispozitat ligjore të rregulloreve dhe vendimeve tjera të cilat janë në kundërshtim me këtë rregullore

Neni 20

Kjo rregullore hyn në fuqi ditën e miratimit të saj nga Kuvendi i OFK-së dhe nënshkrimit nga ana e kryetarit të OFK-së.

Kryetari i OFK-së

Dr.sc. Arianit Jakupi

